

0.0.1 khandhasuttam

0. sāvattiyaṃ

1. rūpaṃ bhikkhave, aniccaṃ viparināmi aññathābhāvi. vedanā aniccā viparināmī aññathābhāvi, saññā aniccā viparināmi aññathābhāvi, saṃkhārā aniccā viparināmi. aññathābhāvi, viññāṇaṃ aniccaṃ viparināmī aññathābhāvi.

2. yo bhikkhave, ime dhamme evaṃ saddahati adhi-muccati ayaṃ vuccati saddhānusārī okkanto sammattaniyāmaṃ, sappurisabhūmiṃ okkanto, vitivatto puthujjanabhūmiṃ, abhabbo taṃ kammaṃ kātuṃ yaṃ kammaṃ katvā nirayaṃ vā tiracchānayaṇiṃ¹ vā pettivisayaṃ vā upapajjeyya, abhabbo'va tāva kālaṃ kātuṃ yāva na sotāpattiphalaṃ sacchikaroti.

3. yassa kho bhikkhave, ime dhammā evaṃ paññāya mattaso nijjhānaṃ khamanti, ayaṃ vuccati dhammānusārī okkanto sammattaniyāmaṃ, sappurisabhūmiṃ okkanto, vitivatto puthujjanabhūmiṃ, abhabbo taṃ kammaṃ kātuṃ yaṃ kammaṃ katvā nirayaṃ vā tiracchānayaṇiṃ vā pettivisayaṃ vā upapajjeyya, abhabbo'va tāva kālaṃ kātuṃ yāva na sotāpattiphalaṃ sacchikaroti.

¹tiracchānayaṇiyaṃ - si 1, 2.
pts page 228

4. yo bhikkhave, ime dhamme evaṃ jānāti. evaṃ passati, ayaṃ vuccati sotāpanno avinipātadhammo niyato sambodhiparāyano'ti.